

樂
蕪
縣
志

樂

萊蕪縣志卷之五

地理志

名勝

蒼龍峽 在縣治南十里峽長二里許如剖廣石爲槽而斷齧其底爲臺沼岩嵯之形中間橫斷千尺截全峽爲二一水自南來盤迴注峽口爲垂虹爲匹練是爲第一重峽再北至橫斷處峽愈高溜愈急飛流倒卷巖谷震動是爲第二重峽第二重峽之北有大石當其衝怒濤激石而西折而北滙爲廣池池可數畝水滯蓄澎湃浸入兩岸石罅嚕吟有聲不絕水再北出池口復經一小峽則沙石縈帶而全峽盡矣峽西有洞三上二洞不甚

宏敞下洞半浸水中深廣可坐千人洞內外石刻甚夥多剝落不能讀由洞口涉水而東峭壁忽裂一縫中有石脈如龍鱗甲森然峽以此得名或曰日光照水翻射石壁動宕虬屈作龍形崖色蒼故名蒼龍也東岩上一亭登之可瞰全峽瀑布五六月間噴薄如雷聲聞數十里八景中所云蒼峽雷鳴即此兩岸萬松森立風景絕佳邑先達多構園亭消夏於此一統志誤入淄川

仙人谷 在牟汶南仙人山下

邑人譚性教仙人谷詩窈窕安期谷山氣蒼以灝八月急秋作移家向山道依依轉翠砵澹澹收殘瀑石砌遞出沒林樾忽陰

皓藉草捫石髮入霧躡山腦岩蹲弛擔樵樹隱拾穗媪犬伏紅
葉吠砧近寒流擣拙妻戀山居惜茲川原好妾亦農家女崎嶇
色不懊勳兒初見山喔喔伏襁褓險磴老馬諳灘石小婢倒迂
路折澗花揚鞭撲樹棗裾挂懸蘿青扇指流雲皓重巒直到門
積葉何曾掃鄉人見主來歡情何浩浩籬根揖田父牆頭話鄰
嫂向壁移菓筐繞場築禾藁仙榻落遙山漢宮翳秋草一峰插
貂列雙河如劔抱岩石疊鄴軸橋帶展吳縞靈液瀉仙龕暗水
滴漏寶田雞夜宿桑石蟹秋肥稻偶出隨山童餘釀延村老蕭
條便疎拙澹泊卻煩惱願言寄同志來茲窮探討

青石關 在縣治東北九十里鑿山置關其上闢南北兩門南門

不甚險險在北門削駢石爲階側立千尺下者如入甕中故一名甕口峽以南北通衢又名甕口道由關門下視高深暈目爲之股栗行人下者以尻上者手足並行車不敢直上下迂迴盤辟凡數十息始達平地嚴冬雪霽冰結上下琉璃一片車至卸輪置輶冰上大繩繫首尾數十人徐徐掣之行稍不慎成齏粉矣道中兩岸壁立僅容一車大石嶙峋蔽道車與石格鬪行自關五里至白羊河始稍出甕門之險

益都孫寶侗甕口道歌甕口道中谿谷黑青石關下萬馬塞馬踏石稜盤空行俯身北下愁傾側前山回合路欲無夾岸高峰向人逼有時疊嶂如連城白日蔽虧生暝色秋高萬樹紛紫翠

黑者露潤垂秋實山鳥不鳴秋已深猛虎高臥夜留迹長弓在
臂箭在腰蠶叢自奮千夫力憶昔左車誇井陘宋武大峴快所
經道左馬陵伏神弩天畔壺關擁地形又見此地設天險九州
則壤分徐青周家青社胙茅土山陰則齊陽則魯伐齊曾記哀
公年艾陵一戰雄千古先克博邑後克嬴此地川岩映赤羽當
年南北阻巖關夾谷臺高孝水滸聖代一統亭障空青濟分疆
開二府白羊水落落羣山高天末秋風吹錦袍騰逃山鬼奔蒼鼠
無限寒光照寶刀

趙秋谷詩欲知太行擁車道扶羊嶺上雪初曉欲知蜀棧天梯
路青石關前春已暮深山犯難誰敢行吳兒使馬如擾龍不如

倚柁聽歌好
溜水塵沙愁殺儂

溜川蒲松齡詩身在甕盎中
仰看飛鳥度南山北山雲千株萬
株樹樵者指以柯捫蘿白茲去
句曲上層霄馬蹏無穩步忽然
聞犬吠烟火數家聚挽轡眺來處
茫茫積翠霧

雁翎關 在縣治西南三十五里南界新秦形勢在青石關之次
爲南北一大山谷關不知廢於何年南口接新秦界入口路西
有石上刻石人二或即關之遺址東爲新甫山西名瞧山山陡
絕如人探首瞧物故名然亦新甫也谷不能容方軌曲折約六
七里行人往往遇非常多憚之出北口稍平闊然四面環繞多
大嶺又北東曰筆架山當谷口之衝西曰鳳凰山鳳凰山迤北

相接而突起者曰龜寨山龜寨山西麓蜿蜒大埠北走茂盛堂莊西北截然而止筆架山迤北山勢綿連至張家莊轉西至鵝鴿樓莊又北至茂盛堂莊亦截然而止其地石骨嶙峋名曰礪礎舖由北來者自茂盛堂入谷口而南而東而南計至南口不下二十里谷南口最狹若呂家樓張家莊鵝鴿樓地雖隘次之李條莊程家莊地勢稍闊然以開方計之亦不過二三里也筆架山一名北夾山舊志謂縣南三十里有夾谷峪左爲龍門崖右有鳳凰山即齊魯會盟處或即此谷歟

壺盧關 在縣東南壺盧山下關今廢

黃石關 在縣北長城嶺上

楊家橫 在縣治東北七十里原山之分水嶺也嶺以東水入溜嶺以西水入汶白橫西南至勺山岩谷幽邃泉聲樹影景隨步轉人家多在磐石上茅舍竹籬掩映如畫

新城王漁洋楊家橫詩詰屈皆紅泉縱橫半白石石映月明時泉流風雨夕愛此故鄉山臨流布瑤席

響水灣 在縣東北六十里兩山夾平地中一石可畝餘高數丈甚平上有三官廟孟游亭文昌閣三教堂四圍皆削壁荆柏叢生一水自北環流而南墜大池中池正方底及四周皆石潺湲之聲如琴可聽

蝙蝠洞俗名朝陽洞 在縣治東南鳳凰山陽深迴異常游者秉

燭入自南稍北折而東復折而南初不甚宏敞數十武外寬平如巨屋有仙人榻可坐百人再前積水一泓中露石脊爲仙人橋跨橋而前忽高忽低忽寬忽狹行者時蹲時立時俯時仰如游螺壳中滿壁色微紺舉燭審諦石理斑駁玲瓏爲禽飛爲獸走爲花草人物可愕可喜仰視冰箸密垂如臘月簷溜晶瑩奪目者石鍾乳也道旁多石竅密若蜂房盛夏水滿其中如盎盂陳列不可勝計約行數里峭壁中一竇絕狹無敢復前者矣所歷如堂如奧如舟如戶如牖如迴廊如甬道升者如梯下者如縋亦異境也與鑛山伏龍洞通每雲連即雨八景中所云二洞雲連者也

綠鑛洞 在縣治北五十五里漿水溝西山之陽山皆綠石由半腰一孔入數十步外卽豁然開朗得地可三四十丈東西相向大洞各一又二十餘步小洞二俱闊丈餘中供老子像右爲複洞由複洞梯而上又得小洞一平臺一供玉皇名玉皇頂卽絕頂也相傳有了髮道人居此

伏龍洞 在縣北鑛山

雲高洞 在縣治東南二十里

余家泉 在縣治北三十里土泥山東南麓

邑人潘紹烈游記曰苟可以暢其天而適吾意焉則樂樂之甚而久且不忘於其心際嘉辰偕良朋因景而情生情生而興極

焉此非偶然者戊午清明日余適吐子口鄭端甫處門生呂仲
試呂子晉呂黻卿亦在焉約游余家泉予畏脩阻各憇息之乃
行傍山陵東行十餘里即山山下村落四五類十數家桃杏花
盛開如錦繡攢簇彌滿山谷人家皆住花叢中延佇者久之甚
羨居者之樂以爲武陵桃源非世外也山之陰有蘭若供觀音
大士像寺前水半弓石甃之紺碧璇折澀泔澄澈卽所謂余家
泉也或曰御駕泉謂唐帝啜茶於此或曰欲嫁泉土人附會尤
鄙俚可笑或曰余家泉以村有余姓者因以姓其泉也汲以烹
茶芳甘而冽寺東高可十餘級傍山爲軒三楹雅潔可坐因小
憩焉西望吐子口榆柳紛敷青翠在目山有土無石松柏數萬

株蔽蔭天日百鳥鉤輶異音同鳴若來迎客者攀援松柏而上
半里許即及山頂西南望可四五十里樹色煙嵐碧綠無際逾
時而下仍即寺之東軒飲焉寺僧眞錄亦好客合席促坐各大
軒渠予素蹇於步至是且忘疲素不豪飲至是飲多且忘醉無
何日暝仲試等辭歸予與端甫亦就道因興未盡且訂後游焉
予生長秦郡岱嶽之高類每歲一游立南天門長嘯登日觀峰
萬里滄海歸於一瞬百丈崖觀瀑六月雪濤噴薄天外中歲筮
仕東甌踰江淮破洪澤至武林泛蘇湖下錢塘觀浙江潮及富
春望嚴陵釣灘陟仙霞嶺看江郎夢筆山此皆蛟龍之宮煙霞
之窟奇情勝概詭譎俶幻亦極山水之大觀矣視此直蟻封堂

坳一似無足寓目者然偶一游焉至於忘倦忘醉且恐此游之不可再者所謂暢其天而適意焉則樂也嗚呼人之處境亦如是焉已矣

黑龍潭 在縣治北六十里方舟山下游者由龍尾莊北行寸步皆山又東北踰老龍腰循東山北行三四里峰回路轉境忽豁然四面皆山中有一小山高里許潭水即在其下登山四望峰皆峭立西山最高頂作方形俗名方城崗即方舟山也北兩峰對峙潭水流出其閒曲折抵小山下東南流次第匯爲三潭潭險人不可近循崖下視第一潭約可半畝望之似不甚深二潭作巨甕形口隘中闊水深黑不測三潭較第一潭略小而水極

深水瀉處洶湧驚人抵潭則渟滄滉漾若無涯涘蓋蛟龍之所
宮也微風欲動時見白綿平鋪潭底倏有倏無者天上雲影也
山半有神龍祠禱雨輒應水出潭循山南流抵照壁山山高數
百丈狀如削赤日行天陰覆潭水之半坐陰崖下白晝見星所
謂龍潭星見也水復由照壁山西流抵西山南轉經老龍腰踰
上固東下固西枯河西魚池東南至宜山與白龍潭水會流入
汶。

白龍潭 在黑龍潭之東稍南大舟山之西麓由黑龍潭山行約
二十里即聞澎湃震蕩聲如巨雷者潭水也水自西北來亦滙
爲三潭水深無底作長方形者第一潭也湍急折旋狀如圓鏡

者第一潭也水深而闊者第三潭也水出潭南流抵崖根崖亦名照壁山雖不及黑龍潭照壁山之高而怪石嵌空作黑色水繞南崖東流環崗子山東又南流經別駕埠東王石西又西南流經皮王東至宜山南與黑龍潭水合

八景 汶水西流鑛山呈瑞宮山夕照二洞雲連蒼峽雷鳴鳳巖
仙蹤龍潭星見碁山柯爛

萊蕪縣志卷之五終

萊蕪縣志卷之六

地理志

編里

明初止三十里天順中增為四十二里正德後稱四十二保清因
之今雖改為十區而保以賦役故不能廢也故仍以保存其舊而
緯之以區以符今制焉

東廂保

東關

西莊洪溝

東莊洪溝

花園吳家

花園孟家

董家花園

戴家花園

任家花園

孫家花園

石家花園

北埠

大橋

石家莊

尙家故事

宋家莊

小河岔

南窩

鄂莊

楊家莊

小窪 城以上區

南河 家連

北河 家連以上區鐵

西廂保

西關

大曹村

小曹村

馬家莊

胥家莊

張家樓

吳家樓

何家園

任家莊

麻灣崖

南壇

曹家莊

魏家窪

沙埠莊

石灣莊

栗子莊

董家林

高莊

小高莊

家台子

家畢台子

響水河

北壇 城以上區

黃溝 區汶南

顏莊保

顏莊

東泉

野狐溝

闌頭

頭來官莊

埠東 桑棗峪 田家宅 申家崖 栗子園

上古墩 下古墩 呂家林 三岔溝 回家莊

海眼莊 上河溝以上莊區 趙林莊鐵車區

故事保

東故事程家 故事 官廠 關爺廟 安仙

站里以上城區 北冶 南冶 東里村溝里 西里村溝里

田家舖 北莊毛家 南莊毛家 譚家樓 白馬峪

聖水菴 響水灣 邵家莊 張家莊 岔河口

弔古山 東嶗峪 中嶗峪 西嶗峪 對仙門以上莊區

北王莊沙王 南王莊沙王 吳家嶺 任家窪 北王莊

大王莊

小王莊

北石河

南石河

楊家峪

王家峪

紀家莊

老君堂

小窪莊

田家莊

紙房

蘭家莊

劉家林

以上汶南區

姜莊

鐵車區

鵬山保

趙家泉

王家莊

興隆莊

小官莊

崖下莊

侯家台

大山

小山

東百紅

西百紅

姜家台

傅莊家

大蛇莊

小蛇莊

菜店

下莊

陳家

朱家溝

呂家峪

徐家店

岔道

三山

以上鐵車區

孝義保

北孝義 北龍崗 南龍崗 西龍崗 東龍崗

近龍崗 鄒家埠 張家莊 色家莊 郭家莊

長安莊 陳家莊 孝義樓 連家河 王家莊

老鴉峪 郭家溝 大家莊孔家莊 小家莊孔家莊
以上鐵車區

盧城保

盧城 桑園 秦家窪 苗家莊 田家莊

王家莊 李家莊 張家莊 趙家莊 南舖

蛇溝 李羅莊 南孝義 馮家林 宋家莊

黃溝莊 陶家莊以上鐵車區

汝陽保

汝陽

東陳家峪

中陳家峪

西陳家峪

陳家盤流

段家盤流

馬家盤流

朱家盤流

趙林莊

草溝

麥埠

以上鐵車區

半壁店

北下冶

蓮花池

川山寺

北港

西港

東港

黃花店

郭家店

東紅埠嶺

西紅埠嶺

樓子莊

柳條峪

孫家莊

莊家溝

以生顏莊區

碁山保

碁山觀

楊家樓

白家莊

前朱山

後朱山

雙全山

高家莊

東下馬泉

西下馬泉

石頭灣

舜皇廟

東圈里

西圈里

黃崖

雙龍峪

三岔河 焦家莊 黃家窪 朱家莊 馮家店

鳳凰峪 王莊 白莊以上顏莊區

鐵車保

鐵車 新莊 小新莊 紙坊 培峪

桃峪 徐家莊 陳家莊 宋家莊 天井峪

上口峪 草場 北泉 裴家莊 團圓坡

紅崖 石灣 宅科 北峪 山車溝

璞莊 泊台 橋店 狼羣 城嶺後以上鐵車區

北田莊 西田莊 東田莊 黃金關以上顏莊區

里新保

里新

蛇溝

清泉

官莊

疇里莊

潘家溝

牛馬莊

以上顏莊區

潑坡

鐵車區

石馬保

西石馬

文子縣

文子嶺

周家莊

河山寺

故山前

邢家莊

北園莊

周家欄

南家莊唐

張家台

張家嶺

盧家台

老翁峪

田莊

黃崖

南峪

北莊

以上石馬區

黃山保

曹家莊

西溝

南下冶

南城坡子

北城坡子

徐家莊

下河溝

青泥溝

于家莊

宋家莊

盧家莊

張家莊

陳家莊

周家坡

以上顏莊區

毛埠保

宋家毛埠

亦家毛埠

畢家毛埠

曹家毛埠

王家毛埠

馬家小莊

賀家小莊

楊家小莊

呂家小莊

朱家小莊

任家小莊

王家小莊

吳家小莊

亦家官莊

石門官莊

鄭家寨子

大莊

三官廟

聖井

蔣山後

吳家橋

清沙溝

佃子莊

馬家莊

徐家北冶

徐家南冶

南白塔

北白塔

省莊

鹿家毛埠

以上魯西區

水南保

水北莊

楊家莊

馬家莊

陳家樓

張家莊

尹家莊 李家莊 王家莊 吳家莊 蘭家莊

馮家莊 南馮家莊 北馮家莊 公家莊 北公家莊

東金井 店子莊 擇科莊 方家莊 王家窪

周家窪 東李窪 下李窪 王家莊 大槐樹

營房 吳家窪 稻窪 岔峪 北峪

大竹園 小竹園 郝家溝 西鳳樓 東鳳樓

姚家莊 以上水北區

梁莊保

梁莊 三官廟 崔家梁坡 王家梁坡 徐家河

黃家梁坡 李家莊 陳家梁坡 馬頭梁坡 畢家莊

十字路以上鐵
車區

南宮保

東南宮 西南宮 東上莊 西上莊 紀家莊

劉家莊 馬家莊 牛王泉 侯家溝 八里溝

茂盛堂 東五斗 西五斗 張家莊 積家莊

呂家樓 鶉鴿樓 澇坡 朱胡峪 將河

鹿家莊 范莊 降寇以上汶
南區

辛莊保

辛莊 魯西 石橋 盧家莊 野河

鳳凰官莊 梅花官莊 何家官莊 何家莊 北安莊

石家泉

東龍五口

西龍五口

龍尾莊

店子

橋溝

小窪

寨子以上魯西區

方下保

方下

王家方下

時家方下

方家莊

土樓

劉家廟

申家嶺

陳家莊

梁家莊

柳行溝

清泉官莊

龍泉官莊

豐登官莊

喬家義和溝

王家義和溝

李家莊

鹿家莊

趙家莊

王家莊

蘭家樓以上魯西區

安家台子

汶南區

汶南保

西汶南

東汶南

東泉河

西泉河

馮家官莊

崖下 堯王莊 坡草窪 胡林前 南舖

北舖 嘶馬河 姚家嶺 勸禮 羊莊

塔子 蜂崖 南梨溝 北梨溝 鸞峪

團山 石棚 徐家峪 趙家峪 井峪

和尚峪 亓家峪 龐家莊 楊家莊 野店

樓子莊 香山口 王家峪 孫家莊 張家莊

李縑莊 蘭家莊 賈家莊 鳳凰莊以上汶南區 孟家莊城區

葉家莊城區

新興保

新興莊 申家 陳村 陳家 陳村 康家 陳村 郭家 陳村

馬家 陳村

賈家 陳村

謝家 官莊

戴家莊

以上寨里區

方山保

上方山

中方山

下方山

灰堆

水泉峪

紅山口

大冶

龍抹角

以上石馬區

孤堆山

毛家莊

毛家 圈

七龍灣

林家莊

崔家莊

以上雪野區

小莊

口子區

陳家林

勉虎圈

舊寨保

舊寨

枯河

皮王

西官莊

小下莊

公王莊

束園

宜山

坡里

車廠

大魚池

小魚池

東上固

西上固

下固

別駕埠

芋頭河

造甲峪

虎頭崖

瓜屋子

成家莊

爐敞子

以上寨
里區

義封保

義封

北留村

西留村

東留村

營子

許家窪

以上寨
里區

山口保

山口

城子縣

陳家莊

朱家莊

魏家莊

傅家莊

四家嶺

南嶺

沙嶺

紅嶺

漿水溝

三山

青石橋

河北

土屋

以上雪
野區

攔溝崖

魯西
區

羊里保

羊里

增家莊

倉上

院上

泉子溝

紙房

以上寨里區

王石保

王家王石

孫家王石

陳家王石

鉉家王石

梁家王石

郭家王石

閻家王石

楊家王石

胡家莊

胡家泉

溫石埠

黑山

安子灣

三官廟

程家莊

王莊

孤山

蘆場

于家莊

白炭坡

小王莊

王樂

上古

鹿社

馬家峪以上寨里區

王許保

唐家王許

崔家王許

韓家王許

溫家莊

止鳳

楊家莊

孔家埠
李家埠

薛家埠
李家埠

宋家埠
李家埠

張家埠
李家埠

太平街

北安

斗崖

下河

卞莊

以上水
北區

封邱保

劉家邱

田家邱

孫家邱

徐家邱

李家邱

孟家鑛坑

耿家鑛坑

張家鑛坑

谷家鑛坑

谷家台

高家窪

崔家台

元家官莊

韓家官莊

以上魯
西區
王家店

孟家峪

古石溝

蘭家莊

南白龍

山子後

劉家莊

沙家莊

以上城區

鐵牛嶺

柳家店

馮家坡

大家莊

小莊

以上口區

龐家嶺

鐵車區

大下保

王家大下 西王家大下 劉家大下 陳家大下 曹家大下

辛莊 冷家莊 澇坡 高莊 孟家官莊

北官莊 賈家窪 郭莊以上水北區 邊王許 魏王許以上寨里區

張里保

張里 宅科 徐家莊 李家莊 譚家莊

張家泉 大埠頭 小埠頭 劉家店 高家店

楊家莊 前郭莊 陳家莊 侯家窪 埠東

鎮武廟 羅家窪以上水北區

中榮保

王家 中榮

郝家 中榮

孟家 中榮

李家 中榮
以上寨里區

鎮里保

李家鎮

郭家鎮

蔡家鎮

楊家鎮

景家鎮

吳家鎮

片家鎮

鄒家 高莊

張家 高莊

山頭店

陶家 陳村

任家窪

王家樓

藕池
以上口區 抬頭
魯西區

垂楊保

垂楊

吐子口

林馬莊

冶莊

港里

臧家窪

毛子

北山陽

太平莊

陶家莊

花水泉

上水河

下水河

盧莊河

泉頭

小冶

大古城

小古城

余家泉

塔山頭

田家莊 棗園 以上口
子區

雪野保

雪野莊 呂公泉 西下莊 東下莊 站里

上游莊 冬煖 青胡莊 雙王莊 大廠

胡多羅 魯地 井北峪 東峪 西峪

白座峪 邢家峪 朱家峪 花峪 小萁

大西坡 小西坡 蜂窩 李家莊 腰莊

雙泉峪 娘娘廟 獨樂 以上雪
野區

石城保

石城 茶芽口 上中下 茶葉 南圈 東圈

西 抬頭
東 安上
陳家峪
峪門
榆林

東 榆林
中 左家峪
姜家莊
暗窰頭
窩舖

上 刷干
中 鹿家嶺
圈里
拐角峪
崖下

埠口
東 要關
南 要關
迷馬鎮
花林

上 宅科
桑科
積山
東 積山
上 石白

五白楊
船廠
嶺東
三樂宮
王莊

龍子
冗子
閣老
珍峪
史家崖

盼家崖
董家峪
西 嶽石
南嶽石
龍堂

堯舜莊
姜家峪
嶺前
黑山頭
以上雪野區

苗山保

苗山

三平州

南楊家橫

辛莊

響泉

焦家峪

蔡峪

南圍

北朱家店

陳家峪

漫子

遜故

夾嶺前坡

夾嶺後坡

唐家上坡

高家上坡

朱家上坡以上石馬區

倉山保

北朱家莊

南朱家莊

東朱家莊

北苗山

蘇家上坡

郭家上坡

郭家下坡

崔家上莊

崔家下莊

孟家峪

龐家莊

石灣

古德坂

見家東莊

見家西莊

王家莊

小山前以上石馬區

常莊保

常莊

西坡

左家峪

青龍莊

草廟頭
馬勺灣

阜陽

下阜陽

瑟泉

瑟泉南峪

周家莊以上石
磨石峪馬區

王善保

東王善

西王善

北王善

大芹村

東芹村

申家莊

賈家莊

管家河

遜家河

大洛莊

小洛莊

尙家泉

許家溝

青楊行

王家莊

王家

胡同

常家莊

朱家莊

元家莊

大斗溝

小斗溝

東西

朱家店

桃花峪

李家泉

石龍口

于家莊

黃崖頭

東台子

段家屋

大崗山

翟家溝

以上口
子區

勺山保

勺山

勺山前

楊家橫

楊家嘴

南麻峪

北麻峪

柳子河

田家樓

五色崖

漫道

蘭子

斗峪

惡峪

普通

下窪

馬家峪

鷹張

東車輻

西車輻

南車輻

管家莊

井泉

河莊

榮科

青石關

以上石馬區

白店保

白龍店

張家窪

南山陽

崔家莊

以上子區

萊蕪縣志卷之六終

萊蕪縣志卷之七

地理志

風俗

自權利之禍中於人心破家族削親權亂男女蔑尊卑長幼盡棄
吾中國數千年之禮俗教治而從事於其所謂平等自由之說倡
於海濱蔓延於二十二行省之通邑大都而風俗遂至於不可問
然禮失而求諸野窮僻之鄉耕鑿之民其流風善政則猶未盡泯
也孔子稱十室必有忠信偏方下邑民淳氣樸忠信之質未漓故
奇衰無由而入而猶有先王之遺意存焉知此者可以觀吾萊之
風俗矣

娶婦擇詩書孝友之家先懇媒氏通言然後卜吉具啓託媒氏致女家女家即日回啟兩家皆盛筵款媒氏吉期前二日復具衣飾及禮物送女家曰催妝屆期告廟雙輿親迎女家延賓以俟婿至宴畢賓導入內室行三叩禮入座飲酒三杯女家簪花於婿帽以紅綾繞婿肩婿離席謝主人固辭乃已婦入門與夫拜於庭是夕合卺明日見舅姑及家人各有贄廟見無廟者祭於墓三日女家餽食物迎女回門其不親迎者女家以一輿送女餘禮節與親迎同或婿俟於道不至女家不日親迎曰大迎

喪家初喪朝夕哭奠遇七則祭比葬先一日題主夕奠行三獻禮殯日親友弔墓奠禮與夕奠略同葬畢反主於廟行虞祭禮此士

大夫家所行多合家禮此外有作佛事者有赴土地祠送漿水者有喪之次夕祖祭於門外者蓋小民之陋俗士大夫不盡然也

殯日邀親友設祭筵於墓多者七筵或五筵至少者亦三筵棚帳雲連懸燈結綵設祭家爭奇鬪靡聘庖師之專門作祭品者爲之金蠶玉膾桂屑瓊漿被以水晶之脂飾以藻績之文光采眩目一筵可值數百千雖王公之貴無以踰此也其陳列古玩不設食品者曰清祭鼎彝書畫宣爐成盤古色斑駁觀者如入山陰道上應接不暇幾忘其爲喪家也此俗太侈殊違夫子寧儉毋奢之訓然近二十年來此風漸息物窮則反亦必然之勢也

士大夫家有祠堂者遇喜慶有祭歲時有祭祭畢合族人享之

元日祀神祀先拜尊長親友亦互相拜賀

自正月初三日至十五日鄰曲爭以酒食相邀曰節酒

立春前一日觀迎春食蘿蔔曰齧春

上元家家上燈於墓閨中祀蠶神造麪繭以高下相勝爲戲蒸麪燈十二象十二月以蒸後水氣之多寡卜每月之旱澇又以燈藥覘五穀如象菽則收菽象麥則收麥是日兒童扮竹馬各戲士女相率出游曰走百病

二月二日炒蝎豆家家用箕注灰作廩困於庭或屋內曰引龍填倉

二月初三日塾師率弟子祭文昌

自科舉停後此禮漸廢

一百五日負土封墓曰添土

寒食炊米飯圍中爲秋千戲

清明祭墓插梧枝踏青飯牛田家語曰打千罵萬清明一飯

端午食角黍插艾於門飲雄黃酒並以雄黃塗耳小兒佩彩色荷包

六月六日曝衣曬書造麩食炒麪

七月十五日祀先多陳瓜果之類俗謂瓜果之祭

八月初一日日未出採雜花草蓄以爲葯物

八月十五日食月餅賞月

九月九日登高釀菊酒

十月初一日祭墓

冬至祀先湮今

臘日作棗粥

臘月二十三日記竈食糖瓜俗謂之小年

除夕換門神貼春聯

新歲及端午中秋節親戚互相餽遺或以盒或以擔品類太豐恐

難為繼

物產

穀部

麥

有春種小大二種曰春麥

蕎麥

三種伏

粟

黍穀為陸種之首穀其總名也曰黍可以釀酒黃白二種更有

黍

白黃紅
黑四色
稷土人謂之
薊稊即高粱楷
玉薊稊俗名
豆

黑黃赤扁漿青紅赤八種秋熟豌豆一種夏熟
又有赤小豆白小豆黎小豆扒山豆之類
稻稷糯
薏仁葉幹

形似雀穗在各枝腋中其粟如珠米
似貝母可釀酒服之補下元
芝麻紅白黑

蔬部

芥
韭家韭
芹園芹
葱
蒜

薑
蕕
薺
藿俗名
蕨俗名

薇
藜
芑
茄
瓠

芋
白菜有春秋二種
臺菜形似春白
茼蒿形似

蕘當
蘿蔔有紅白二色又名胡蘿蔔
蔓菁

莧有青白紅紫數種
蒿苳莖細者
萱花紅黃二種
金簪

苜蓿

茴香

甘露

棟芽

味香苦

菠蔭

即菠蔭菜

胡妥

無莖者佳

椿芽

苦菜

天花

白花

味辛烈鹽漬之則香

山藥

香芋

眉豆

壺盧

刀豆

蠶豆

長豆角

木耳

地耳

羊肚

秦椒

瓜部

西瓜

東瓜

南瓜

北瓜

甜瓜

梢瓜

王瓜

青瓜

絲瓜

攪瓜

木瓜

架瓜

果部

桃

杏

櫻桃

銀杏

李

梨

栗 棗 郁 蘋婆 沙果 花紅果

林禽 柰 葡萄 胡桃 石榴 蓮子

藕 文官果 山查 柿 羊棗 木蜜樹枝之末經霜其甜如蜜

榛 落花生宜沙田今日遍植洋花生舊種轉寥落矣 橘 柚

金棗 紫牙柑 佛手

花部

蓮 牡丹 芍藥 海棠 地棠 向日葵

菊 蜀葵 秋葵 丁香 木香 梅

探春 迎春 柳葉桃 榴 薔薇 紫薇

繡毬 金絲桃 玉簪 月季 百日紅 滿條紅

八寶花 木槿 由庚花 千葉桃 丹桂 梔子

杜鵑 金銀花 鼓子花 似根結梗花而碧 夜合 竹葉梅

榆葉梅 石竹 牽牛 素馨 山丹 紫蝴蝶

雞冠 轉枝蓮 翦紅羅 六月菊 秋海棠 產黑龍潭者極佳

夜落金錢 萱 子午蓮 凌霄花 出山中

笛子花 出白瑩而細香 洛陽花 金線蓮 一名鐵蓮 水紅花

鳳仙花 金箋 望江南 紅纓絡 卷丹 罌粟花

芙蓉

草部

紅花 紫草 翠草 藍 葛 蒲

荻 葦 蓼 萍 藻 靑草

蓬 三稜草 莎草 蘚 苔

馬蘭 茵陳

木部

松 栢 檜 梧桐 楸 柎 即冬青生原山下經霜葉不落

椿 槐 楊 柳 桑 柘

檉 榆 樟 棟 棠 椒

檇 葉似棕而小染霜色赤黃谷山中尤多 榭 蠶食之為繭名榭繭出長城嶺一帶 楮

棘 白臘 欒 芽可為菜 樹油 一名赤梁秋暮取其黑子碾攪即用其汁以燃燈

猶籬 多刺土人取以染綠 荆 瑟 橙 非萊產近歲始移植於境內木多刺易生攷益都方物記民間

種橙樹三年材可倍常疾種移取里人以爲利杜詩疑橙林碍日吟
風葉飽聞橙樹三年大王荆公詩濯錦江邊樹有橙即此樹也俗呼
爲洋槐又蓉似開花
呼爲刺槐

絲泉部

絲

麻

木棉

絹

綿紬

山紬

綿布

土紬

柘桑紬

葛布

鑛部

金

今無

銀

今無

銅

今無

錫

今無

鐵

昔有冶今無

煤

石炭

藥部

紫英石

陽起石

磁石

黃精

黃芩

天門冬

麥門冬

地黃

艾

菟絲子

車前子

澤瀉

遠志 細辛 赤芝 柴胡 防風 白蒺藜 全出

州者佳他邑無獨萊蕪有之

蒲黃 萋蘆 括萋 元參

沙參 葛根 天麻 天花粉 地骨皮 何首烏

澤蘭 青黛 蒔羅 葶歷 威靈仙 半夏

桔梗 管仲 南星 王不留行 連翹 枸杞

旱茨 槐角 馬鞭 黑白丑 草烏 五加皮

葇苳子 夏枯草 茵陳 蒲公英 地榆 苦丁香

苦參 丹參 荆芥 紫草 香附 玄胡

益母草 蒼朮 薄荷 芍藥 紫蘇 百合

五靈脂 百部 白臘 龍骨 牛黃 鼈甲

石蜜 蜜 蠟 露蜂房 馬兜鈴 班蝥

菴 取法五月五日六月六日七月九日止采其枝葉日以蜜和酒

灑勻用砂鍋蒸八次合前一次為九蒸九晒然後每斤加熟地一兩

甘草五錢共為末煉蜜為丸如桐子大空心酒送下每服四十九丸能返老還童

羽部

鴛 鴨 雞 山雞 鴿 雉

烏鴉 黃鸝 鵲 雀 燕 鷓鴣

鷹 布穀一名鳩 鴛鴦 鸛 鷺絲 翠

打魚郎子 鴛鴦 鷓鴣 鷓鴣 鷓鴣

鴛 聯紅白二種其聲如笙簧尾有翎長尺餘俗名托白聯托紅聯出深山 子規 火燕

蒲燕

鵲鵲

麻姑鵲

燒香拜佛

此鳥不知其名以鳥語名之一名割麥插禾

油壺盧

滴滴子

雨聲云滴滴風即水即風

課農

呼陰天將雨夜半連

課蠶

每蠶月夜中連

養羞鳥

每飛成羣尾翎長因名長尾郎至八月後脚羊棗藏牆隙

黑馬舌

能而作語以司曉

鵠

鴛

鴟鴞

毛部

牛

馬

騾

驢

豕

羊

狗

貓

兔

狼

狐

狸

鹿

昔有今無

青猺

獾

黃鼠

鼠

野豬

今無

蟲部

蠶

山蠶

蜜蜂

黃蜂

土蜂

蟬

蠅 蛾 螢 蟻 蚓 蠅

蚊 蝎 蝟 蜻蜒 螂螳 蜉蝣

蜘蛛 蝶

鱗部

鯉 魴 鮎 鱗 鯽 白小

黑鯉 俗名黑頭 鱧 鱣 蝦蟇 蟾 蛇

介部

鼈 蟹 蚌 螺 蝦

萊蕪縣志卷之七終

萊蕪縣志卷之八

建置志

邑之有城池署廨祠祀倉廩橋梁所以庇民也改革以來舉者什一廢者什九毋亦於庇民之道有不適宜者乎夫欲知千歲則數今日欲知億萬則數一二欲知上世則審周道知今日之所以廢則知前日之所以舉綜其初終而著其因革亦攷古者所有事也述建置志

城

城舊土圩週十里元至正間修後崩壞明正德四年流賊攻毀殆盡六年知縣盧秉彝甃以甑石週三里崇二丈有四尺無北門東

門曰通齊西門曰望嶽俱值通衢南門曰臨津當汶水之衝知縣傅國璧改建南門直文廟正南易名曰文明新建東西南各甕城砲樓一座北城上北極廟三間梁口計七百六堵人名之曰鐵城東門外曰東關西門外曰西關南門外迤西曰南關 邑教諭錢笥盧侯石城記曰正德壬申予初陞官來此入境見土城殘缺縣治燒燬惕然驚惶悵悵無依默念此大非常之事非有大非常之人來主斯邑曷克有濟次年夏霸州盧侯揀擢來斯下車之餘不事私謁利所當興者漸興之利所當革者漸革之三月之後政通民和凡諸二司府館公廨學校街衢以次修理今年春初當道議以郡縣土城流賊易破若包以磚灰堅完牢固賊

烏得逞奏聞蒙上允准通行天下我侯即親行城所規度丈量
思功程浩大起土燒磚民力用多民財實損雖經數歲亦不得
成又不甚固乃委二尹李君幕友趙君等詣南山督匠鑿石委
四十二保老人素善幹事者四十二人各分丈尺取石運灰是
版是築每尺用灰一石李君掌東北隅趙君掌西南隅我侯實
總理其事往來巡視雖如文王戒令弗亟民皆樂于趨事如奔
父命經始于三月十五日落成於五月初一日闔邑人士咸稱
曰鐵城蓋以灰石堅實且得製造之法也嗚呼以此大功不數
旬而成我侯何以得此於民哉以侯之立心平坦因民而利故
民皆歡欣鼓舞視如己事然要非侯之德足以素孚乎人侯之

才足以力舉其事不至此故曰際此大非常之事非有大非常之人弗克有濟也

署廨

縣署在城正中明洪武中創造廳三楹原名琴堂知縣馮盛明改曰親民清康熙三年知縣鍾國義重脩改曰如保廳後爲改絃堂明知縣陳甘雨建改絃堂後爲知縣宅馮盛明重脩三堂及堂西書廳堂東南之景范堂清知縣葉方恆建委蛇亭在內宅東明知縣錢弘謨建今廢來鹿亭在三堂東明知縣吳國瑾建今廢如保堂西爲典幕廳東爲積貯庫如保堂前爲戒石坊戒石坊前爲儀門三間左右角門各一間儀門前爲縣治大門其上爲愛牧樓懸

鐘鼓大門南舊有宣化坊今廢 知縣鍾國義縣治廳壁記曰萊

蕪自成周爲牟國爲羸邑漢爲萊蕪羸牟三邑宋以後始統名

萊蕪邑雖屢改井則不遷縣治自古迄今蓋不知幾經廢興矣

今則頽敗顛隕上穿旁圯風蕩雨淫飄搖日甚兩廡遺址僅存

其半破壁朽株蛇虺穴窟文書案牘烏鼠攫拏一日四鄉父老

講讀新律忽棟宇戛然振動四垣崩墜吏負廡壁而立惴惴震

恐若將壓焉諸父老以更新縣治爲請一父老進曰國家設官

置吏欲措百姓于甯居也百姓甯而官吏治然官吏無甯居亦

百姓之羞也請新之又一父老進曰縣之有治所以發號出政

一視聽而平心志也視聽壅則慮亂心志鬱則氣滯故縣治必

使中正端嚴高明爽滌而心志豁如而視聽逖如然後政成而
事理又一父老進曰前令十數但有因陋就簡圖朝夕便安上
下交相狎幸年歲稔課無缺幾得一遷或代去且得無受以身
勞百姓名是令視官爲傳舍官之視堂猶之視官也又一父老
進曰此堂自今日治之較易設一旦隕覆遺椽敗甃無復存矣
恐遲之又久則費煩而工鉅百姓將不勝任予曰唯唯否否後
之視今亦猶今之視昔不欲以一身而勞百姓美名也吾將爲
名乎不欲以費煩工鉅俟之後人美功也吾將爲功乎君子之
于政也有利百姓則爲之功與名固不兩受也于是捐俸庀材
爲經始之計棕楠陶埴之需則于訟獄中之絀者固無煩諸父

老之經之營之也乃父老執子來之誼以勸厥成焉始自癸卯臘月至甲辰鞠月落成堂三楹廣五丈八尺深僅廣之半踰尺高爲丈者三復加爲尺者九兩廊廡屋以次漸舉右尉幕左鏐庫無不煥然振飭予登斯堂又惻然懼焉吾堂高而窮簷僻壤得無有蔀屋之歎乎吾乘高而呼將家喻而戶曉之也士子得毋棄予而就巖居乎吾固懸榻以俟也訟獄得毋居高而失聽卑之道乎吾則俯悉其情也胥吏得毋仗堂皇之靈以恫民乎吾慰懋民戶也夏秋二稅于塵野之藁得毋厚入乎吾釐弊以立廉去濁以就清也則登斯堂也百慮集焉安能逞志而甯居哉至若憑形勝之奇秀屏宮山而帶汶水倚岱岳而擁長城訪

孟游之亭弔季嗣之墓攷留駒之遺迹羨塵甑之風流百年千祀再復魯道則以俟後之君子

主簿宅在正堂東卽縣丞舊宅

典史宅在正堂西有堂有大門有內宅民國初裁典史今爲監獄官宅

城守營在東門內路北舊駐把總一員綠營額兵二十名清末裁額兵

六房在堂兩翼曰吏房曰戶房曰禮房曰兵房曰刑房曰工房爲書吏辦公之所陳甘雨建鍾國義陶錫祺重修今改爲總務財政

司法科

迎賓館在儀門外孫重慶建今廢

犴獄在儀門西

申明亭在縣治東今廢

旌善亭在縣治西今廢

陰陽學在大門東今廢

醫學在大門西今廢

僧會司在千佛寺內今廢

道會司在城隍廟內今廢

演武廳舊在縣治東傅國壁改建於城西南隅前後門各一座廳

三間將臺一座今廢

察院在縣治東今廢

府館在縣治東南今廢

正率講院在城西玉清觀西關帝廟東共五楹康熙十二年葉方恆建朔望集士民講鄉約於此今廢

養濟院在西廂路北普濟堂在東廂路北

祠壇

社稷壇在西郭門外一里許有壇有樹有垣有門明洪武五年建山川風雲雷雨壇在南郭門外一里有壇有樹有垣有門洪武五年建

邑厲壇在西郭門外

先農壇在東郭門外

城隍廟在縣治西卽元鐵冶提舉司故址正殿三楹寢殿三楹東西廊各五楹有戲樓大門正殿東爲禹王祠正殿西有官廳一座後爲道紀司宅明知縣龔澤建

旗纛廟舊在城東一里後遷演武場今廢

馬神廟在縣治西久廢知縣葉方恆改建於縣署東廟之前爲馬廐

文昌廟在文廟東葉方恆建

宗聖祠久廢

萊蕪侯祠久廢

貞節先生祠在縣治西祀漢萊蕪長范丹金大定間縣令高永孚
建明洪武間知縣何繼周重脩并祀名宦於此後學宮建名宦祠
此祠遂湮

孟季行祠在縣東南八里舊爲神觀嘉靖二十六年知縣陳甘雨
改祀季札孟子舊有使齊止羸二碑每歲春秋致祭今廢

范韓二公祠在縣東郭門外孟游亭後祀范丹韓韶諸生任澤建
康熙十二年葉方恆改建於學宮敬一亭前

漢壽亭侯祠東西廂俱有在東廂小北街者春秋致祭

八蜡廟在縣東郭門外三間有垣有門

火神廟在東廂萬歷七年知縣張國璽創建三楹有垣有門

將軍廟久廢 按通志將軍姓劉名宰謚文清金壇人宋紹熙元年進士正直爲神驅蝗保稼雍正五年令郡縣均設

忠賢祠在東廂萬歷七年張國璽毀淫祠改建祀漢諸葛武侯唐狄梁公宋岳鄂王今廢 邑人吳來朝忠賢祠記曰古者名公卿賢將相往往隨地置祠或以節或以功或以當時蒙澤或以後世聞風皆所以紀盛德揚休烈使人瞻其懿範而想聞風采慕其芳躅而感發精英用能化柔邪爲鯁直變儉壬爲忠義其有補名教而爲世道風者非淺淺矣予自家塾時攷稽古今尙論往哲所神合意契深慕誠服者得三公焉漢之忠武唐之文惠宋之武穆其選也是三公者光嶽氣完間世挺生值天步之方

艱適豺狼之當道入調元化出握兵符氣節偉度一代攸宗忠
肝義膽百折不挫誠漢唐宋以來第一流人物也是故南陽高
臥三顧後起託魚水之歡而開誠布公受顧命之重而集思廣
益七縱以服南中八陣以困司馬舉炎劉已傾之業而爲鼎峙
之勳者非忠武所以再造乾坤者乎望雲昭孝斗南擅名委曲
天后之朝而桃李盡植納約姑姪之喻而鸚鵡夢回舉虞淵已
墮之日而爲中天之照者非文惠所以重光唐社稷者乎文武
兼資忠孝天植銳意恢復而唾手燕雲之圖誓心天地而痛志
黃龍之飲神算功成乎第一撼山威震于強敵舉南渡委靡之
勢而致中興之烈者非武穆雪宋家之耻而鼓忠義之氣者乎

夫三公生不同時事不同君成敗不同功屈信不同遇而正大光明後先一轍迄今閱千百年猶凜凜然有生氣有志尙論者孰不神馳於振古之人豪哉丁丑冬任邱張公來敝邑欲構堂而俎豆之未果明年獲淫祠一所毀其像而新之奉三公謚號於其中名曰忠賢祠其左右夾室則羣萊之庠士課肄者居焉夫三公勲業在簡册望聞在宇宙磊磊落落與天壤俱永固不係一祠之有無而後之欽其遺徽者將因入祠而益動其景行則觀感之功不可誣矣凡我邑髦尙其志三公之志學三公之學於以砥勵名節躋美前修蒸蒸濟濟以爲國家重焉則是祠之建爲非虛已

藥王廟在西關外

漏澤園在東門外明知縣張冕建今廢

郭公祠在縣治西祀明知縣郭鄰鄉民吳嘉賓等建 吳來朝郭

公生祠記曰蓋讀東漢書而知范史雲韓仲黃兩公者羸人皆

俎豆之飲食必祭歲時伏臘必禱焉寧詎要結驅迫吾民哉何

歷千百載而音容如覩也無亦霈澤渥而衍慶長靡所闕于匹

夫匹婦之衷耶我邑侯郭公由夏邑令補銓萊蕪萊蕪之民竊

色喜曰是嘗拊循中州中州所翹首跂足而重來鞠我也者今

幸徼之寵靈以假於我萊萊之民其甦哉暨奉檄至懇咨民瘼

厲志冰蘖削邊幅黜竊捷坦然平易推赤誠與民相與煦煦如

家人父子然凡害焉而戾民者過革利焉而便民者過興振飭
文教創立黨庠延師儒羣俊秀肄習其間躬爲勸閱貧不能給
者割俸以周民是以蒸蒸向學薰爲善良邑田多荒瘠徵督亟
切民不堪輸公定程限每限十徵其一民力以紓而國課無逋
凡羨餘錙銖悉以申聞苞苴殄息即伯起弗嘗也邑當青兗捷
徑使節徬徨供億咸出額外里甲素苦之公每約已用曰吾不
忍剝民膏脂爲市恩地也往屬勾攝痛踰石壕公制隸牌百餘
訟入付一牌持去偕當攝者如期就訊訊已置牌而歸諸輿臺
束手階下不得一錯趾閭閻蹈往者態且也案牘旁午虛心分
質片言帖服或情有可原則稍從末減弗盡法以繩民咸感激

輸誠寢以無訟徂歲苦蝗且瘡公自齋滌率士民行祈於市募民以粟易蝗蝗且息甘雨隨之歲以大稔歌者踵於途頌者聯於野湛恩溼澤之施潤於雨露澹泊貞介之操質於鬼神愷悌闔易之仁淪於肌髓藉令范韓兩公者出且當虛左而讓夫范甌稱清韓倉稱仁以我公挈長度大可謂兼之矣公嘗扁於退休之堂曰廉明仁恕噫嘻此公之所以內盟於心而萊民之所仰庇於公者哉天厭萊民奪我公而去之垂橐倒囊無以治裝邑人士號呼籲天相率伏公前涕泣攀挽願須臾無行少緩我民旦夕之命聲振闐闐徹於原野公亦濟然飲泣爲少停軒迺共匍匐趨鎗徧於當道之庭幾數萬人當道惻然憐之曰若令

信賢業已素知之姑需上命無顛也迺更涉千里上書輦轂下亦不下千餘人銀臺束於制弗以上聞竟弗諧借寇願歔歔而返僉曰吾弗得少假我公甯愬然視我公行乎遂謀爲祠凡三楹輪焉奐焉歸焉像焉不浹旬而告竣蓋環邑之學士大夫田畯女紅所捐貲而趨荷鍤而赴者也夫公之仁能噢咻乎吾民而吾民不能留公於一日公之德能令吾民起喁喁之頌而吾民不能爲公謝叟叟之口則後之君蒿悽愴於祠下者獨無於邑也乎哉來朝夙叨覆露莫罄揄揚謹薰沐爲記用慰輿情云爾公名鄰字道萃別號睦菴關右岷州人

馮公祠在縣西關祀明知縣馮盛明今廢

胡公祠在城東北隅祀明知縣胡士奇今廢

武公祠在縣西關祀清知縣武士豪今廢

吳公祠在縣東門外祀明滎河知縣吳來朝

二王祠在南關祀明邑人王守經王守身

蕭公祠在西門外里許堂三楹東西廡大門儀門各一祀泰安兵部尙書蕭大亨今廢

元公祠在縣西關外祀明邑人元詩教萬歷二十三年二東大饑詩教上飢民疏詔發帑銀二十三萬民藉以生士民爲立祠

疏曰竊維自古國家之禍非一端而其中盜賊之亂居多小者無論其大者如秦之關東盜漢之黃巾唐之曹濮元之汝穎雖

其人旋起旋滅終不足以濟大事但烏合之勢旣集而岨負之局遂分往往爲英雄驅除之資收拾之藉故斬木揭竿之衆乃土崩瓦解之憂也然從來盜賊之起所在地方或匿不以聞或聞不以實卽聞矣實矣而上之人或有所朦蔽而不及知或有所玩忽而不爲意發於倉卒延於滋蔓極於橫決遂至以國從甚可懼也顧盜賊亦非民之所樂爲也非困於大役卽迫於饑寒非重以天災則益以虐政無生之樂有死之心然後不得已乃去爲盜賊焉及爲盜賊撲滅之則無兵解散之則無術縱容之則無法釀無窮之禍發大難之端貽國家之不可知之悔雖有善者無如之何矣胡爲不幸而見於臣等山東之地也先是

七月間東省撫臣錢士完奏報旱災乞賜蠲恤閱其情狀臣等竊相憂曰昊天不弔降害東省一至此乎末幾撫臣請發臨德倉米戶部議給十萬石平糶特蒙即報可臣等又竊相喜曰所給雖少然顆粒皆沾夫皇上之仁旦夕稍延饑民之喘夏雖失望秋或薄收忍死以待所甘心也不意七月之中始得少雨雨降之後旋被蝗災又如撫臣所奏地方窮困愈不堪命之疏者臣等更竊相懼曰一歲皆空千里如掃民窮盜起勢所必至今日以搶奪告將來必以強劫聞矣海岱之間無乃亂乎至閏八月初十以來旬日之內撫臣報亂之疏果兩至矣初報蒙陰沂州昌樂等處羣盜糾結白晝公行立寨豎旗彎弓騎馬拒敵官

兵數十人殺保長一人猖獗縱橫已有不可嚮邇之勢再報則青州府之安邱縣已入縣城劫毀庫獄矣近據臣等道路傳聞尙不止此卽撫臣疏亦云事體尙未明確不便遽參則彼中之蹂躪搶攘其大略可想見也且夫我皇上以東省爲何如哉海處其東南接江淮西通河洛北則直拱神京稱門戶焉地近勢逼孰有過於山東者乎青州一府憑負山海爲四塞都會其人多好俠使氣習射獵爲常易動難安尤諸郡所視以爲嚆矢者也自昔草澤之雄嘗出其間卽在我朝亦數數見之如石棚寨妖婦之亂礦賊王鏜之亂大盜楊思仁號爲賽宋江之亂皆在青州所屬境內至煩調遣乃克平定今安邱非其覆轍耶蓋青

州動則東省搖東省搖則中原之路梗而京師震輦下戒嚴矣
昨接邸報見撫臣後疏有奉聖旨強賊聚至千餘劫庫焚獄關
係地方不小該部便速議來說欽此是山東之亂已厯於聖心
尙可以悠悠泛泛尋常視之度外置之哉爲今之計欲捕亂民
必先救飢民何也亂民非盡出於飢民飢民非盡入於亂民也
我無所以救之則亂民爲之招飢民爲之驅愈捕愈多不勝捕
也我有所以救之則飢民不復驅之去亂民不復招之來或捕
滅之或解散之則一舉可定矣然以東省言救民亦未易易也
將議賑乎則倉庫如洗矣將議蠲乎則存留無益矣將議令地
方官之自行區處乎則又不能爲無米之炊臣等聚族而謀計

無所出惟有仰瀆我皇上亟下撫臣前疏並獻一得之愚願垂聽焉撫臣首以特發內帑銀十萬兩爲請矣此在於朝廷僅錙銖耳而散之民間則珠玉也次以二項稅銀酌留十萬兩爲請矣此在部監無所益損而還之民間則脂膏也又次以罷免六郡包稅二萬三千餘兩爲請矣此等稅銀搜括多年窮民已久遭其害蠲除一旦饑民必重感其恩拔去病根永無煩擾尤爲一時之便計也以上三款皆屬緊要倘蒙俯納槩賜允行則山東之荒救過半矣至於臣等圖度地方便宜竊附撫臣疏請之末者亦有四款謹據實爲我皇上陳之一曰停徵夫年來太倉磬懸九邊呼癸此何時也而徵之停聞是議者不以爲迂則以

爲妄矣然實非所論於山東也試觀作亂之民情豈顧公家之
歲額上卽不停下必停之今卽不停後必停之與其停於後停
於下不得不然何若及今自上停之之爲愈也况民在則有丁
丁在則有賦寬之今歲輸於將來獨非國家長久之計乎一日
改折山東歲派漕米及臨德倉糧此糧與米者皆本色也在豐
歲則爲狼籍之餘徵收甚易在凶年則不勝騰湧之慮出辦甚
難况此時民間持百錢覓升合以糊其口尙不可得安所取數
十萬石而更輸之官哉昨河南撫臣疏稱直隸山東俱遭異常
荒旱近聞米價每石不下一兩三錢於以見糴買之難也如有
改折則留其米以活饑民之命而折其銀以佐縣官之急公私

兩便無不可者就使銀折難完尙可追於異日但求存留米在庶幾暫濟目前此斷斷可行者也一日抵平糶之米前者請發臨德倉糧三十萬石戶部僅準十萬此已爲涓滴之潤矣且又云每石粳米六錢粟米五錢奉行曲折皆未議及恐終非地方之利也蓋倉米一斗僅當市斗六升是半之也而定價至五六分較之市價祇足相當况有盤運則有車夫有車夫則有腳價所出非官則民官不皆賢民豈盡富殷實之斂派衙役之驛騷所不能無而陳因滄瀾出納遲迴亦或有之將重在價反輕在米必有委棄而去者矣竊謂不如即將各州縣應該分給平糶倉米若干查其下戶之貧而應賑者所納糧數與之抵兌扣其

改折之銀准作還倉之價通融有濟搬運無煩亦計之便也如或在近倉處所願領平糶者聽一曰留入覲之官三年大計雖曰朝常今歲災祲實爲異數嗷嗷溝中之瘠誰爲撫摩蠢蠢潢池之兵誰爲鎮戢所謂有社稷有民人者旣當拮据荒政之時兼欲防禦亂民之變正官一去印務何屬若盡委之府佐旣苦乏人如暫假於雜流又虞滋害此不可不深長慮也竊謂宜將各州縣掌印正官免其入覲一切救荒政務皆責成之其有賢令資俸及期者不妨比照在外推官事例覲後一體訪取於官於民庶兩得之矣夫是四款之中若免覲若抵兌若改折直聽撫按處置奏請而輕重布之無甚難者惟停徵一款乍言之必

駭聽聞稍需之或煩擬議願其停不停之際實爲亂不亂之關
是在聖明獨斷而獨行之

倉廩

預備倉在縣東大門一座中門二座官廳三楹廩五十間

保赤倉在城隍廟西萬曆十五年知縣呂明倫創建大門一座廳
三楹廩六十餘間

義倉在山口保邑人趙永祿置

兌軍倉在安山水次萬曆二十三年知縣王命說創建大門一座
官廳一楹廩六間康熙十年知縣葉方恆重建

社倉在東廂三楹康熙十年葉方恆建

以上各倉今俱廢

橋梁

人和橋在縣東門外成化七年造

文興橋在縣西門外成化七年造

迎恩橋在西廂景泰七年造

孝義橋在縣東八里通志作大石橋正德八年造

第一溝橋在縣北二十里正德六年造

王家溝橋在縣西三十里通志作新莊石橋

渡仙橋在仙人山北五里

五路橋在縣西四十里天順八年知縣劉迪建

盤龍河橋通志作盤龍橋在縣東南十五里

汶淄各橋長者里許以石板爲之九月搭四月拆歲以爲常

萊蕪縣志卷之八終

萊蕪縣志卷之九

官師志

古之君子學道以治民初無分乎官與師也自其施政而言之則謂之官自其施教而言之則謂之師而已後世政與教分途官與師異位治化之隆始不及於古然自兩漢以來循吏儒林史不絕書而人心風俗卒賴以維持於不敝者非猶學道之效哉嗟乎官不學道則賊民師不學道則賊士此人心風俗所以遂至於不可救藥也洎吾萊者自范韓而下得學道之君子官四十二人師五人述官師志

漢

范冉

冉或作丹

字史雲陳留外黃人少受業於樊英又遊三輔就馬融

通經歷年乃還桓帝時以冉爲萊蕪長遭母憂不到官後辟太尉

府以狷急不能從俗常佩韋於朝議者欲以爲侍御史因遁身逃

命於梁沛之間徒步敝服賣卜於市遭黨人禁錮遂推鹿車載妻

子拮拾自資或寓息客廬或依宿樹蔭如此十餘年乃結草室而

居焉所止單陋有時絕粒窮居自若言貌無改閭里歌之曰甑中

生塵范史雲釜中生魚范萊蕪中平二年卒於家謚曰貞節先生

崇祀名宦

韓韶字仲黃潁川舞陽人也少仕郡辟司徒府時泰山賊公孫舉
僞號歷年守令不能破散多爲坐法尙書選三府掾能理劇者乃

以韶爲羸長賊聞其賢相戒不入羸境餘縣多被寇盜廢耕桑其流入縣界求索衣糧者甚衆韶愍其飢困乃開倉賑之所稟贍萬餘戶主者爭謂不可韶曰長活溝壑之人而以此伏罪含笑入地矣太守素知韶名德竟無所坐以病卒官同郡李膺陳寔杜密荀淑等爲立碑頌焉

崇祀名宦

唐

韋嗣立河南陽武人思謙之子承慶異母弟也武后時承慶爲鳳閣舍人以疾去嗣立時爲萊蕪令召代其任即上興學校洗枉濫二事時不能用論者惜之

崇祀名宦

宋

雷有終字道成同州郃縣人太祖時署萊蕪尉知監劉祺以其年少易之有終發其奸賊祺坐罪杖流太祖卽以有終代之而遣內侍伍守忠同掌監事且察其治守忠同事閱月還奏有終強濟狀卽召爲大理寺丞

崇祀名宦

龔鼎臣鄆州須城人仁宗時由平陰主簿知萊蕪縣有惠政

崇祀名宦

廉公諤堂邑人爲萊蕪令清介自持專務德化百姓歌之曰釜飭生塵魚境內安以樂昔聞范史雲今見廉公諤累選司農少卿出

治滑州治聲流聞於時

崇祀名宦

元

趙尙敬字伯恭奉高人至元間爲萊蕪尹時縣治新復官解學宮

悉就傾圮尙敬捐俸葺治其功甚偉

崇祀名宦

和道字祥卿河南懷慶人延祐二年令萊蕪性嚴明不事脂韋勸課農桑招徠流移修葺館舍尤加意造就俊秀秩滿去士民爲立

德政碑

崇祀名宦

申楫字濟川巢陵人泰定三年授萊蕪令修三皇廟章邱張養浩

爲文記之稱其爲救時弊拯民危之藥石云

崇祀名宦

明

李得洪武末令萊蕪公勤廉幹治政有方秩滿民詣闕乞留在縣

十有五年而卒

崇祀名宦

伍禮江西臨州進士景泰末令萊蕪政事文學爲一時之最天順

二年大旱禮禱於神翌日果雨自爲文以記之

崇祀名宦

馮永固山西陽曲進士宏治九年令萊蕪練達識大體訟簡盜息

化行俗變輿論翕然

崇祀名宦

何繼周福建閩縣舉人宏治十七年令萊蕪發奸摘伏事無留滯
嘗建書樓以教生徒旱蝗爲災繼周齋禱引咎即時大雨蝗盡斃
士民咸驚嗟以爲德政所感

崇祀名宦

熊驂河南固始人正德初令萊蕪賦性慷慨勇於有爲時霸州劇
賊劉六劉七率衆攻城驂禦之力戰而死城陷主簿韓塘亦死之
事聞詔贈驂光祿寺丞廕其二子

崇祀名宦

王宗義字宜之霸州人嘉靖十二年任萊蕪縣丞縣依山田肥磽

或相倍蓰主者徒剝削自爲里胥因緣爲奸利輒顛倒而輕重之
歲輸漕率敲扑瘠民應命逋賦日積宗義至按籍手注參互其丁
爲難易輕重之等其弊遂革邑舊產鉛錫愚民多以私採被逮繫
餘衆洶洶嘯聚宗義但申明厲禁諸無左驗者置不問自是無敢
犯者鹽匪邢虎聚衆焚掠爲閭里患令不敢詰宗義率健勇數人
掩捕寘法民始安堵邑泉源悉會於汶以達會通歲久填淤多不
由故道宗義自臨疏濬漕渠大便邑令缺署縣事案無留滯所聽
斷雖重坐無怨言以治最擢曹州判殷士瞻有去思碑

王政河南睢州舉人嘉靖十九年令萊蕪一介不取歿無含殮士
民哀之嘗有句云萬民皆善居官願一介不貪自幼心

崇祀名宦

陳甘雨福建莆田進士嘉靖二十三年令萊蕪創修縣志一書李
中麓稱之曰青年博學有揮霍之才刑清事簡有餘力而爲是舉
人以爲知言 崇祀名宦

蕭隆祐江西人嘉靖二十七年任萊蕪主簿有守有爲善詩文嘗
學於念庵先生之門濟南李于麟贈以詩

周九川貴池人嘉靖四十二年爲萊蕪典史持身廉慎視政寬平
歷數年一塵不染去之日囊無一錢民爲立碑頌之

龐賢山西人隆慶二年以舉人爲萊蕪令清介節約自奉如寒士
民頌其廉

傅國壁江西臨川人隆慶四年以舉人令萊蕪才能肆應遇事敢

爲修學宮開雲路創建觀禮書院於垂楊保以課士用形家言改

縣城南門山川之氣以昌以骨鯁忤當道左遷應天府教授

崇祀
名宦

郭鄰陝西渭南人萬歷十年以貢生令萊蕪靜謐不擾健訟之風

寢息值旱蝗鄰令民捕蝗以粟易之更率衆步禱會蝗息雨澍歲

大有以不能逢迎上官被劾去邑民攀轅哭送立祠以祀之

崇祀
名宦

馮盛明字元夢直隸涿州人萬歷己丑進士二十五年令萊蕪推

誠撫物片言折獄得情輒諭遣之不施鞭笞徵稅悉從民便三農

所出凡可立當貢賦者一切聽抵十家立一長舉行鄉約境內晏

然二十六年大饑盛明設粥廠以飯飢氓日至按視更徧履鄉村

給飢者以粟米全活甚衆仿社倉法儲粟萬餘石以備凶荒月課

諸生率手自甲乙泣任兩載以入覲去邑人建生祠祀之復爲之

立去思碑

崇祀名宦

王命說雲南新興人萬歷中以選貢令萊蕪慈祥愷悌惠政甚多

士民思之

崇祀名宦

李養才鎮番衛人萬歷十七年由選貢令萊蕪精察嚴明衙蠹斂戢民頌其德升武昌府通判

張宏襟陝西鄠縣進士萬歷四十一年令萊蕪殫心任事執法鋤奸四十二年大饑人相食宏襟賑濟有方民賴以安

崇祀名宦

胡士奇江南天長進士萬歷四十五年令萊蕪重修縣志愛民如子尤崇學校以行取爲御史去士民立祠祀之

崇祀名宦

詹仲清浪衛人崇禎元年以舉人令萊蕪丈地有法立清蠹弊悉除民間雜差之苦以不能奉上被劾去士民思之

崇祀名宦

馮守禮山西猗氏進士崇禎十五年令萊蕪時飢荒之後招撫流移民賴以安十六年癸未清兵東下守禮竭力守城城陷被執不屈死之二子據奇拱奇亦自殺邑人感其忠烈爲之請謚請卹會

鼎革不果行

崇祀名宦

張夢麟開州人明末爲萊蕪教諭守城殉難

清

穆從墨遵化人順治元年以歲貢令萊蕪值山寇蜂起井里蕭條從墨招流亡赦脅從懲刁俗誅舞文涖任一年境內康阜又重學

課士人文蔚起罷官後卜居闕里蕭蕭數椽怡然自樂間過萊境
士民爭迎爲具酒食留月餘其惠政可想見矣

崇祀名宦

高所向武城人順治元年任萊蕪訓導博學工詩有萊山刻後陞
汶上縣教諭

武士豪號方塘直隸真定進士順治五年令萊蕪時寇盜侵擾鄰
封憚士豪威不敢入萊境課士尤精鑒別所識賞皆次第獲雋尋
以艱去民爲立祠

崇祀名宦

朱永功吳縣人順治間以拔貢令萊蕪勸農桑斥羨耗爲政不務
苛刻而士民畏服去之日攀轅臥轍者自庭達境上車數日始得
去

趙日采平陰人順治十一年任萊蕪教諭讀書課士最稱盡職陞
考城知縣

鄒天興益都舉人順治十六年任萊蕪教諭有孝行以憂去

丁似穀諸城人順治十六年任萊蕪訓導博學能文預修萊蕪縣
志

南之傑蘄州人康熙元年以利津縣縣丞署萊蕪縣事邑向苦包
荒民不堪命之傑力請上官得開豁荒地一千三百五十有四頃
又詳免驛遞騷擾之苦民感其惠

鍾國義字赤松浙江山陰進士康熙三年令萊蕪實心惠民百廢
具興邑本山城非馳傳孔道經制協濟新嘉東源等六驛後爲章

邱猾胥引差入境驛騷之苦幾成積弊國義奮然詳革民困頓蘇
陞兵部主事去士民立碑志去思焉

崇祀名宦

葉方恆字學亭崑山人康熙八年由進士令萊蕪時連年亢旱甫
下車禱於神雨立應有鄭宏之目先是青州飢民就食於萊者千
人方恆據郡招民檄令之旋青民曰萊非不旱也官不旱故願留
活須臾耳方恆惻然爲備資遣歸即日謀諸父老倣古社倉法捐
俸置穀麥若干以備凶歉創建正率書院於城西作講語十六則
以訓民月試諸生文藝以外勉以飭躬敦行士皆以得所依歸爲
幸又盡心農事春秋周視原野課雨占晴往往形諸吟詠壬子六
月飛蝗蔽天自爲文驅之蝗不爲災邑乘失修百餘年方恆編輯

而重刊之建景范堂於署內改建貞節先生祠曰聊以志吾鄉慕也蒞任數年政簡刑清廢墜皆復論者謂官斯土者自陳留潁川後一人而已

李欽式字肖巖金壇人癸丑進士康熙間令萊蕪凡八載正賦外不加火耗漕糧餘米悉還諸民以內擢去邑人爲立碑以紀其政戎式宏字以剛靳縣人康熙間令萊蕪三載正供外不取絲毫尤勤於政務案無留牘值歲饑捐數千金以給貧民流離賴以復業者數千家

范溥字天如吳縣監生康熙三十三年任萊蕪留心民瘼報災賑飢如救頭目民田之沒於河者數百頃溥悉免其賦役民甚戴之

後陞東平州知州

吳大梁不詳其里居康熙間由監生令萊蕪勤於勸課比戶豐饒斷獄不事鞭笞洫任數載囹圄幾空

高克譽江都舉人雍正三年以蒙陰知縣署萊蕪縣事時值漕糧開徵克譽禁絕羨餘民有訟數語立判人無冤者尤不以株連留滯累民洫任數月去民甚戴之

周俊鑲藍旗監生雍正四年令萊蕪敷歷弊政凡有害於民者若疾之在己身也去之日父老至爲泣下

紀淦字秋水直隸文安舉人道光元年令萊蕪善聽斷燭兩造曲直無少爽時巡行縣境察民疾苦進子弟之俊秀者爲之解說經

義如嚴師然邑書院久廢與邑紳呂鳳臨張頴等購地重建之倡捐膏火嚴立課程士風一振洎任六載以拙於奉上被劾去闔邑欲釀金爲請堅辭不肯人服其操守云塗工詩著有豆花廬詩稿藏於家

按萊人之於范史雲也廟以祀之飲食必祭千百年如一日夫史雲未嘗到官而人猶思慕之如此設久於其任則其繫人思也不知更當何如今之人於邑令之去留漠然無所動於中甚或祝其速去豈人情之或異哉母亦長人者之有愧於前修乎

萊蕪縣志卷之九終

